

FANADINAM-PANJAKANA

Misy tsy mazava ny fikirakirana ny fanadinana bacc ao Mahabo

Toa tsy bacc fa tse- nan'ny bacc no misy any Mahabo faritra Menabe amin'ny fanadinam-panjakana hifarana anio. Efa taona maro no misy mpianatra ivelan'ny Cisco Mahabo tonga manao fanadinana manao Centre ao Mahabo fa tamin'ity taona ity kosa dia nitombo be izany nohon'ny feo niparitaka tamin'ny fanadinana BACC tamin'ny herin-taona ary niteraka resabe teo anivon'ny fiaraha-monina sy ny tambazotra sosialy ny hoe fanahoana ny mpiadina no mihazakazaka mamonjy ny foibem-panadinana any Mahabo ? Raha mpiadina avy any Morondava ihany taloha no mandranto fanadinana ao Mahabo dia efa tonga ao hatramin'ny avy any Antananarivo sy Antsirabe ary Belo sur Tsiribihina amin'izao. Raha ireo mpiadina avy ao Mahabo fotsiny dia tokony 300 ihany no mpiadina ao ankehitriny nefa dia tafakatra 971 ireo mpiadina voasorata anarana ary voatery nanampy efitrano mihintsy ny foibem-panadinana ao Mahabo, ka toerana roa no anabantetrahana izany ao ankehitriny dia ny ao amin'ny sekoly katolika St Joseph sy NDS Mahabo. Nanomboka tamin'ny 6ora sy sasany ny famakiana ireo laza adina ny alatsinainy maraina izay notarihin'ireo lehiben'ny foibem-panadinana mirahalaly sy ny lehiben'ny faripeididiam-pampianarana Mahabo ; ary ireo solon-tenan'ny mpianatra sy ny mpiandron'ny filaminana ; ny andro voalohany dia efa nisy ny nahatratrarana finday tao amin'ny foibem-panadinana St Joseph . Ny mahagaga sy mampalahelo dia toerana tsizari-zary no ivantanireo mpianatra avy ivelan'i Mahabo tonga miatrika fanadinana ao, izay miparitaka amin'ireo sekolim-panjakana sy sekoly tsy miankina ao Mahabo. Eo dia efa lasa ny saina hoe izao ve ny sekoly tsy miankina izay nahazo taratasy fahazoan-dalana ara-dalana nefa raha ny foto-drafitrasa dia tsy mendrika ny atao ho sekoly mihintsy



Ireo mivantana amin'ny sekolim-panjakana

raha ny fanadihadiana izay natao tamin'ny tompon'andraikitra iray eo anivon'ny fitaleavam-paritry ny fampianarana Menabe, izay nisafidy ny tsy hanononana ny anarany dia efa nisy ny fitsirihana natao ary efa nalefa ny tatitra ary nisy ireo tompon'andraikitra tonga nidina ifotony teny an-toerana saingy tsy nisy tohiny sy tsy fantatra izay fanapahankevitra tamin'izany ho an'ireo mivantana amin'ny sekoly tsy miankina izay, fa ireo mivantana amin'ny sekolim'panjakana koa dia voalohany aloha dia tsy fantatra mazava hoe iza no nahazoan'izy ireo alalana nivantanany ao amin'ny sekoly sy ny fifanarahana mikasika an'izay, fa ny chef Cisco milaza tsy mahalala ny fampiasana ireo sekolim-panjakana ireo. Raha nanontaniana ny biraon'ny Feffi amin'ireo sekoly koa tsy mahalala, ny talen-tsekoly moa any amin'ny BACC ; fa ireo mpampianatra izay mitondra ireo zaza no nilaza fa efa nisy fifampiresahana eo amin'ny chef Cisco'i Morondava sy ny chef CISCO an'i Mahabo tamin'ny fandaminana ireo sekoly ireo, satria ireto mpampianatra ireto dia efa namonjy ny chef Cisco an'i Morondava ary niantsy ihany koa ny chef Cisco an'i Mahabo vao niala tany MORONDAVA . Fa maninona ireo mpianatra ireo no mihazakazaka manao Centre any Mahabo,n izay no fanotniana manahirana ny maro ; voalohany dia tso- tra : candidat libre no ankamaroan'izy ireo ary tsy nandalo ny kilasy famaranana ny ankabeazany, fa

ireny mpanao cours mitokana ireny ka ireo mpampianatra mpampianao cours no mikarakara ny antotan-taratasy rehetra sy ny toerana hanaovany fanadinana eo koa ny toerana hivantanana rehefa hanao fanadinana misy amin'izy ireo no efa herin- nando mialoha no miorim-ponenana ao Mahabo ao koa ny sabotsy sy alahady, mialohan'ny fanadinana vao tonga eny, ka mivantana amin'ny toerana izay efa nomanin'ny mpampianatra cours azy ireo izay mitondra ireo mpiadina ao Mahabo. Raha ny fanadihadiana dia ny momban'ny sakafo, madoa vola 10.000 Ariary hatramin'ny 15.000 Ariary ary vary 10 hatramin'ny 19 kapoaka isaky ny mpianatra izy ireo, ny toerana kosa dia ireo mivantana amin'ireo sekoly tsy miankina dia tsy nisy na dia iray aza nilaza ny hofan'ny toerana fa dia samy nilaza fa fisaorana ihany no omena ; ireo amin'ny sekolim-panjakana ihany koa dia torak' izany ; ny ankamaroan' ireo mpianatra dia tsy matory raha tsy efa ireo mpiandron'ny filaminana miaraka amin'ny mpiambina mandalo misafo azy ireo no miteny hoe mba matory amin'izay nareo. Ny maraina amin'ny 3ora sy sasany indray dia efa manaomboka mifoha ; ao ireo mahandro sakafo maraina ao kosa ireo izay manao famerenana ; maro ireo mpianatra izay nanaovana fanadihadiana saingy tsy nisy nilaza ny tena marina fa ny nahagaga dia ireo mpianatra ao Morondava rehefa hitan'ny tompon'andraikitra sy mpianatra namany miresaka amin'ny mpanao gazety dia avy hatrany dia nampangalan'ilay tompon'andraikitra izay nitondra azy ireo tsy avela mire- saka amin'ny mpanao gazety ireo mpianatra. Ny fanadihadiana natao tamin'ny ray amandreny vitsivitsy izay manana mpianatra isan'ireo nandeha Mahabo no nahafantarana fa 200.000 Ar ny vola tapaka tamin'ny fivoriana izay niarahana tamin'ireo

ray aman-dreny sy ny mpampianatra miandraikitra ireto ankizy, ka mipe- traka ny fanontaniana hoe mankaiza iuzany ny vola ambiny ? Ny tenin'ny re- hetra aloha hatreto dia misy zavatra tsy mazava ny fikirakirana ny fanadi- nana ao Mahabo, izay manomboka amin'ny fan- draisana ny anaran'ireo mpiadina izany ary mitohy amin'ny fanadinana sy hatramin'ny hivoahan'ny valim-panandinana ; hita teny an-toerana ohatra ny alatsinainy maraina ireo ray amandreny vitsivitsy sy mpampianatra cours miandry sy mitady ny chef de centre izay manon- tany ny fotoana mety hivoahany tao izay tsy nety nilaza ny antony hidadia- vany azy, fa raha nanon- taniana izy ireo dia nilaza fa mba tiany ho hita sy ho hay hoe iza no chef de centre ao . Isan'ny maha- gaga ny maro koa ny hoe, fa mahazo mivantana amin'ny olona eo an- toerana ve ireny chef de centre ireny izay toa mam- panahy na dia hoe fian- kaviany aza ilay hovanta-

niny ; ary koa ny hoe tsy misy olona hafa ve ao Mahabo, fa dia tsy main- tsy izy mirahalaly no ao satria dia mpirahalaly ny chef Cisco Mahabo sy ny Proviseur ao amin'ny Lycée ary ity farany no mpanampy ireo chef de centre . Koa miantso ireo tompon'andraikitra isan' ambaratongany eo amin' ny fikirakirana ny fanadi- nana bacc ny mponiana ao Mahabo sy ny vaho- kan'i Menabe amin'izao zava-misy izao, satria dia lasa sorona sy malaza ratsy ny mpiadina ao Ma- habo, noho ireo zavatra misy ireo ary maro koa ireo zaza izay efa tsy

miasa saina fianarana int- sony fa hoe rehefa tonga ny bacc dia any Mahabo tsy maintsy mahazo. Raha ny iainan'ireo an- kizy aloha dia mahagaga ihany hoe izao ve no iai- nana nefa dia afaka ihany, ao nefa ireo mpianatra izay tany amin'ny cours fa tsy mianatra any an-tse- koly izay na ny taranja nianarany aza tsy ampy satria misy ireo taranja izay tsy nianarany mi- hintsy nandritra ny taona ary tsy hisy soratana izy amin'izany toy ny Anglais nefa dia milaza fa tsy maintsy ho afaka.

Rajepa



Ny fanokafana ny laza adina tao anaty délestage



Toy izao ny sekoly tsy miankina izay ivantan'ireo mpianatra ao Mahabo

**MPHIRA MITORY ZIONA ANTANAMBAO**  
manolotra ho anao

**MR RAZAFY**  
Diner Concert

Le Vendredi **28** Juillet 2023  
à partir de 18 H à l' **ESPACE ROJO**

*Fianoka ny toy fantany ela isika*

Partenaire:

Commune Urbaine ANTSIRABE  
Saha Ni Soa  
Coiffure Fitiavana  
ERICARENTAL DISCOVERY MADAGASCAR  
ASHA STUDIO

Partenaire Media:

infoline:  
034 41 877 77  
034 37 098 37

invitation:  
50.000 Ar  
MENU COMPLET inclu